

বাইবেলে বৈপরীত্য ও ভুল

ذَلِكَ الْكِتَابُ لَا رَيْبَ فِيهِ هُدًى لِّلْمُتَّقِينَ

এ সেই কিতাব যাতে কোনই সন্দেহ নেই। পথ প্রদর্শনকারী পরহেযগারদের জন্য (সূরা বাকারা-২)

وَإِنْ كُنْتُمْ فِي رَيْبٍ مِّمَّا نَزَّلْنَا عَلَىٰ عَبْدِنَا فَأْتُوا بِسُورَةٍ مِّثْلِهِ وَادْعُوا شُهَدَاءَكُمْ مِّنْ دُونِ اللَّهِ
إِنْ كُنْتُمْ صَادِقِينَ

এতদসম্পর্কে যদি তোমাদের কোন সন্দেহ থাকে যা আমি আমার বান্দার প্রতি অবতীর্ণ করেছি, তাহলে
এর মত একটি সূরা রচনা করে নিয়ে এস। তোমাদের সেসব সাহায্যকারীদেরকে সঙ্গে নাও-এক
আল্লাহকে ছাড়া, যদি তোমরা সত্যবাদী হয়ে থাকো। (সূরা বাকারা-২৩)

أَفَلَا يَتَذَكَّرُونَ الْقُرْآنَ وَلَوْ كَانَ مِنْ عِنْدِ غَيْرِ اللَّهِ لَوَجَدُوا فِيهِ اخْتِلَافًا كَثِيرًا

এরা কি লক্ষ্য করে না কোরআনের প্রতি? পক্ষান্তরে এটা যদি আল্লাহ ব্যতীত অপর কারও পক্ষ থেকে
হত, তবে এতো অবশ্যই বহু বৈপরীত্য দেখতে পেত। (সূরা নিসা-৮২)

*বাইবেলে বৈপরীত্য

১. বিন্যামীনের সন্তানদের নাম ও সংখ্যার বৈপরীত্য।

* ১ম বংশাবলির ৭নং অধ্যায় ৬নং অনুচ্ছেদে বলা হয়েছে, বিন্যামীনের সন্তান তিনজন- বেলা, বেখর ও
যিদীয়েল।

* ১ম বংশাবলির ৮নং অধ্যায় ১ নং অনুচ্ছেদে বলা হয়েছে, বিন্যামীনের সন্তান সন্তান সংখ্যা পাঁচজন –
প্রথম বেলা, দ্বিতীয় অশ্বেল, তৃতীয় অহর্হ, চতুর্থ নোহা, পঞ্চম রাফা।

* কিন্তু আদি পুস্তক ৪৬অধ্যায় ২১অনুচ্ছেদে বলা হয়েছে, বিন্যামীনের সন্তান সংখ্যা ১০ জন –বেলা,
বেখর, অসবেল, গেরা, নামন, এহী, রোশ, মুপ্লীম, হুপ্লীম ও অর্দ।

তাহলে বিন্যামীনের সন্তান সংখ্যা প্রথম বক্তব্যে ৩জন এবং দ্বিতীয় বক্তব্যে ৫জন। তাদের নামের বর্ণনাও
পরস্পর বিরোধী, শুধু বেলার নামটি উভয় অনুচ্ছেদে উল্লেখ রয়েছে, বাকিদের নাম সম্পূর্ণ ভিন্ন। আর
তৃতীয় অনুচ্ছেদে বিন্যামীনের সন্তান সংখ্যা বলা হয়েছে দশ জন। নামগুলোও আলাদা। তৃতীয় অনুচ্ছেদের
নামগুলোর সাথে প্রথম অনুচ্ছেদের দুইজনের নামের এবং দ্বিতীয় অনুচ্ছেদের দুইজনের নামের মিল
আছে। আর তিনটি অনুচ্ছেদের মিল আছে একমাত্র বেলা নামটি উল্লেখের ক্ষেত্রে।

২. অহসিয় রাজার রাজ্যগ্রহণকালীন বয়স বর্ণনায় বৈপরীত্য।

* ২য় রাজাবলির ৮ম অধ্যায়ের ২৬অনুচ্ছেদে বলা হয়েছে- অহসিয় রাজা ২২বৎসর বয়সে রাজত্ব করতে
আরম্ভ করিয়া যিরুশালেমে এক বৎসর রাজত্ব করেন।

* ২য় বংশাবলির ২২ অধ্যায়ের ২অনুচ্ছেদে বলা হয়েছে- অহসিয় রাজা ৪২বৎসর বয়সে রাজত্ব করতে
আরম্ভ করিয়া যিরুশালেমে এক বৎসর রাজত্ব করেন।

উভয় বর্ণনার মাঝে মাত্র ২০বৎসরের বৈপরীত্য। দ্বিতীয় তথ্যটি সন্দেহাতীতভাবে ভুল; ২য় বংশাবলির ২১ অধ্যায়ের ২০অনুচ্ছেদ এবং ২২ অধ্যায়ের ১-২অনুচ্ছেদে বলা হয়েছে যে, অহসিয়ের পিতা যিহোরাম ৪০বৎসর বয়সে মৃত্যু বরণ করেন এবং তার মৃত্যুর পরপরই অহসিয় রাজা সিংহাসনে বসেন। এখানে দ্বিতীয় তথ্যটি যদি সঠিক হয় তাহলে প্রমাণিত হয় অহসিয় তার পিতার চেয়ে দুই বসরের বড় ছিলেন। আর এ যে অসম্ভব তা বলার অপেক্ষা রাখে না। এজন্য আদম ক্লার্ক, হর্ন, হেনরী ও স্কট তাদের ব্যাখ্যাগ্রন্থসমূহে স্বীকার করেছেন যে, বাইবেল লেখকের ভুলের কারণে এ বৈপরীত্যের দেখা দিয়েছে।

****বাইবেলে ভুল।**

*২য় বংশাবলির ৩ অধ্যায়ের ৪অনুচ্ছেদে বলা হয়েছে- সুলাইমান আ. এর মাসজিদ বা আল-মাসজিদুল আকসার বর্ণনায় বলা হয়েছে-আর গৃহের সন্মুখস্থ বারান্দা গৃহের প্রস্থানুসারে বিংশতি হস্ত দীর্ঘ ও একশত বিংশতি হস্ত উচ্চ হইল।

“১২০ হাত উচ্চ” কথাটি নিখাদ ভুল। ১য় রাজাবলির ৬ম অধ্যায়ের ২ অনুচ্ছেদে স্পষ্ট উল্লেখ আছে, শলোমনের নির্মিত মন্দিরটির উচ্চতা ছিল ত্রিশ হস্ত। তাহলে বারান্দা কিভাবে ১২০হাত উচ্চ হতে পারে? আদম ক্লার্ক তার ভাষ্যগ্রন্থে ২য় বংশাবলির ৩ অধ্যায়ের ৪অনুচ্ছেদের ভুল স্বীকার করেছেন। এজন্য সিরিয় (সুরিয়ানী) ভাষায় ও আরবী ভাষায় অনুবাদে অনুবাদকগণ ১২০সংখ্যাকে বিকৃত করেছেন। তারা একশত কথাটি ফেলে দিয়ে বলেছেন: ২০হাত উচ্চ হইল।

১৮৪৪সালের আরবী অনুবাদে হিব্রু বাইবেলের এ ভুল “সংশোধন” করে লেখা হয়েছে- আর গৃহের সন্মুখস্থ বারান্দা গৃহের প্রস্থানুসারে বিংশতি হস্ত দীর্ঘ ও বিংশতি হস্ত উচ্চ হইল।

বাইবেলে খ্রিস্টানদের ঈমানের উপর পাঁচ পরিক্ষা

*মার্ক লিখিত সুসমাচারের ১৬:১৭-১৮নং অনুচ্ছেদে আছে-যীশু বলেন, যারা বিশ্বাস করে তাদের মধ্যে এই চিন্তাগুলো দেখা যাবে, আমার নামে তারা মন্দ আত্মা ছাড়াবে, তারা নতুন নতুন ভাষায় কথা বলবে, তারা হাতে করে সাপ তুলে ধরবে, যদি তারা ভীষণ বিষাক্ত কিছু খায় তবে তাদের কোন ক্ষতি হবে না, আর তারা রোগীর গায়ে হাত দিলে রোগী ভালো হয়ে যাবে।

খ্রিস্টধর্মের উপর কিঞ্চিৎ বিশ্বাসের পরিক্ষা

*মথি-১৭:২০নং অনুচ্ছেদে আছে-যীশু বলেন, তোমাদের অল্প বিশ্বাসের জন্যই পারলে না। আমি তোমাদেরকে সত্যিই বলছি, যদি একটা শর্ষে দানার মতো বিশ্বাসও তোমাদের থাকে তবে তোমরা এই পাহাড়কে বলবে, এখান থেকে সরে ওখানে যাও, আর তাতে ওটা সরে যাবে। তোমাদের পক্ষে কিছুই অসম্ভব হবে না।

এ ধরনের বিশ্বাস তাদেরকে মুক্তি দেবে না

*যাকোবের ২:১৪নং অনুচ্ছেদে আছে কাজের দ্বারা বিশ্বাস দেখাও আমার ভাইয়েরা যদি কেউ বলে আমার বিশ্বাস আছে কিন্তু কাজে তা না দেখায় তবে তাতে কি লাভ? সেই বিশ্বাস কি তাকে মুক্তি পাপ থেকে উদ্ধার করতে পারবে?